

續修四庫全書

卷之四

卷之四

卷之四

卷之四

卷之四

卷之四

《續修四庫全書》編纂委員會編

續修四庫全書

上海古籍出版社

一四七二・集部・別集類

研棧齋文集二卷〔清〕趙希璜撰……………一

靜厓詩初稿十二卷 靜厓詩後稿十二卷 靜厓詩續稿六卷〔清〕汪學金撰……………六五

井福堂文稿十卷〔清〕汪學金撰……………三五九

秋水閣詩集八卷首一卷 秋水閣雜著一卷〔清〕許兆椿撰……………五三三

嘉慶四年五月刊

研棧齋文集

安陽縣署臧版

研棧齋文集卷一

惠州 趙希璜 渭川

重修長寧學宮記

乾隆三十七年春詔開四庫全書館文物聲明之化燦然大成海隅徼塞四方萬里莫不振興文教涵濡

聖澤揅觚之士趨輦轂下者近數千人我

朝

聖聖相承尊師親儒培養學校百有餘年禮讓興行風俗醇美嗚呼盛矣今年歸安胡君以東莞丞來攝寧陽寧故僻壤環山而城地磽而瘠士夫冠蓋寥寥焉胡君因慨然於先務之急也親民之本也變易之方也鼓勵之術也

研棧齋文集

卷一

遂殷然而有修學之舉於是周覽堂廡以及門垣其中體製未合缺者補之廢者修之復旁叅形勢家言相厥陰陽擇其剛燥明倫堂舊在學宮之左崇聖祠舊在聖殿之後今改崇聖爲明倫而另立崇聖祠五楹於後又立尊經閣於崇聖祠後魁閣舊位於壬今移建於艮文閣舊位於戌今移建於坤泮池舊窄而汙今開廣二尺櫺星門舊隘而低今增高二尺復立照牆於前復立訓導署於左復於文閣前立文昌門復於魁閣前立青雲門殿廡之剝蝕者黝聖丹雘之垣墉之傾圯者約馬楹橐之蓋自公首輸五十金爲倡寧之人士率私錢以助者二千一百有零用之力一萬二千二百有零良材堅斲之用合耗銀一千二百

研棧齋文集

〔清〕趙希璜撰

據華東師範大學圖書館藏清嘉慶四年安陽縣署刻本影印原書
版框高一七一毫米寬二八三毫米

有零董其事者邑貢生潘君廷泰陳君亮陳君開鼎捐職
經歷潘君鴻錫廩生陳君開第附生賴君有健潘君應麟
武生陳君國揚周君大武邱君振煌監生羅君世桓李君
朝林李君培林詹君聖慧凡九閩月而告竣嗚呼何其規
模之闊燿也何其經營之周密也何其落成之速也何其
就此不勞也夫

聖天子振興文教道德一風俗同康熙十八年

詔天下修整學宮乾隆二年復

詔天下有司所在學宮有頽廢未修及其禮文禮器之未
備者許各詳達動項興修寧亦應

詔重修而卑陋褊迫不足爲萬世師表之美觀邑之人欲

研棧齋文集

卷一

二

修而大之而聽於吏吏又聽於邑之人凡數十載於茲矣
胡公獨有見於先王之道德出於性命之理而性命之理
出於人心遂使縣人樂聞公言趨踴奔走其事者合千萬
人無異詞是非今

上尊師親儒培養學校之明驗也哉功竣之後闔邑請記
於希璜希璜實產也且始終其事故記之乾隆四十七年
十一月初十日也

重修西安府城記

今

天子御極之四十年春巡幸江浙閱視海塘時撫臣畢公
恭迎

鸞輅瞻觀

天顏

垂詢陝服情形首以修理城垣事宜條對

聖意俞之越明年秋

欽差工部侍郎德公馳赴甘肅佑修蘭州府城公卽陳奏

及時興作並奏請德公於蘭州工竣路出西安便宜指畫

蒙

研棧齋文集

卷二

三

旨允准隨奉

上諭陝西爲三秦扼要漢唐建都之地其城垣形勢本極
崇闊壯麗但歷年久遠未經修整其一切築建基址務從
其舊不可收小以致規模狹隘卽費數十萬帑金亦不爲
過公聞

命之下卽與德公悉心勘驗凡城身共長四千二百七十

一丈八尺北城長四百一十五丈二尺毋庸修整其餘應

改造者計長三千八百五十六丈六尺高三丈六尺五寸

城上正樓四所凡二十八間箭樓四所凡四十四間礮樓

四所凡十二間角樓四所凡四間廳樓九十八所凡二百

九十四間所有門闕牌睨石承平礮諸式商運木植砌石

甕壁土灰繩鐵等事無不詳加周畫豫定章程隨飭發歷年州縣報解商筏稅銀及司庫存留備用銀百餘萬兩以供支應考西安府城在漢爲石內史理所漢書地理志京兆尹長安縣高帝五年置惠帝元年初城六年成惠帝本紀元年正月城長安三年春發長安六百里內男女十四萬六千人城長安三十日罷鄭德曰城一面故速罷又六月發諸侯王列侯徒隸二萬人城長安五年正月復發長安六百里內男女十四萬五千人城長安三十日罷九月長安城成史記惠帝三年方築長安城四年就半五年六年城就大事記元年始作長安城西北方三年初作長安城五年成史記與漢書紀載日月或不合司馬禎據宮闕

研棧齋文集

卷一

四

疏曰四年築東面五年築北面傳以鄭德云云則漢書之說爲正焉三輔黃圖初置長安城狹小至惠帝更築之高三丈五尺上濶九尺下濶一丈五尺周廻六十五里城南爲南斗形北爲北斗形今稱爲北斗城者是括地志元和郡縣志並云故城在今長安縣西北十三里蓋隋時自漢城東南遷都龍首原故舊址在唐城西北今人呼之曰楊家城隋書文帝本紀開皇二年六月詔左僕射高穎等創造新都十二月名曰大興城地里志開皇三年置雍州城東西十八里一百十五步南北十五里一百七十五步西京記大興城南直子午谷在漢城東南十三里地里通釋云南侵終南子午北據渭水東臨滻灞西枕龍首原呂氏

以爲子午谷乃漢城所直隋城南直石鼈谷則已微西不正與子午對則就宋永興軍城言之以證隋書故事實非矣宋敏求長安志叙唐京城坊巷興善寺在靖善坊慈恩寺在晉昌坊崇聖寺在崇德坊莊嚴寺在永陽坊元都觀在崇業坊樂遊廟在昇平坊皆在城內今興善寺去城南五里慈恩寺去城南十里崇聖寺去城西五里莊嚴寺去城南十二里樂遊廟更在慈恩之南元都觀則在興善之西並遠居城外李好文長安志圖云新城唐天祐二年匡國軍節度使韓建所築時朱全忠遷昭帝於洛毀長安宮室百司及民廬舍長安遂墟因去宮城又去外郭城重修子城是爲新城卽今奉元路府治然則今城於唐末爲新

研棧齋文集

卷一

五

城於宋爲永興軍城於元爲奉元路城實盛唐子城遺址城自唐末迄今有修築無改建明洪武中都督漢英設廳樓九十八所環堵崇墉之制始肅其四門東曰長樂西曰安定南曰永寧北曰安遠嗣是正統嘉靖隆慶年間復稍稍補綴之我

朝順治十三年康熙元年暨乾隆三年二十八年相繼葺治歷時既久土氣浮薄數木剝蝕關中形勝西北屏藩貢使往來商賈輻輳不興巨役莫肅觀瞻畢公因大工伊始奏請布政使司臣圖公薩布按察使司臣秦公承恩鹽法道臣顧公長綏課程稽覈其分督四城西城北城則令蓋屋縣令徐君大文長安縣令高君燦興平縣令王君垂杞

朝邑縣令莊君所主之東城南城則令華州牧汪君以誠
威寧縣令郭君履恒永壽縣令許君光基郿縣令李君帶
雙主之春秋左氏傳稱士彌牟城成周計丈尺揣高卑度
厚薄仞溝洫物土方議遠邇量事期計徒庸慮材用書餼
糧公皆有之以故總事四年役徙日萬條分縷析雜而不
返經始於乾隆四十八年六月十八日竣工於五十一年
九月二十二日動用

帑銀經工部奏請者計一百五十八萬五千一百五十八
兩有奇凡歷督臣三人今嘉勇公大學士福公今兵部尚
書慶公前昭信伯大學士李公撫臣三人日畢公何公永
公布政使司臣二人日圖公薩布泰公承恩按察使司臣
在棧齋文集 卷一

二人日秦公王公昶督糧道臣三人日姚公頤蘇公楞泰
顧公長綬鹽法道臣三人日顧公吳公之黼舒公弼西安
府臣二人日和君明徐君大文徐君以盤屋令擢潼關司
馬先後一再攝事焉公身處梁苑而心繫大工偶有所見
必致書籌擘蓋用心深歷事久經營周密故規模闔燿若
此五十一年十月十一日欽奉

上諭永保奏陝西西安城垣於九月內一律完竣請派大
臣帶領諸熟工程之員來陝驗收等語西安省會城垣於
乾隆四十六年降旨令前撫臣畢沅動項興修並派德成
前往勘估籌辦現在工程完竣着派侍郎德成馳驛西安
將該城工履勘查收是否如式堅固之處據實具奏仰見

我

皇上慎重疆圉捍衛民生之至意由是垣墉障堞百雉重
新古稱百二河山洵推西陲巨鎮誠久遠之宏規非示一
時之偉麗而已臣承乏分陝適遇告成睹此盛業例得記
之其在國語曰衆志成城道德經曰防意如城城之時義
大矣哉宜

聖天子之深謀遠慮超邁漢唐也

在棧齋文集

卷一

七

重修彰德府學宮記代

學宮記多矣茲曷記乎記其始也記學宮之始多矣又曷記乎記其經始之難而落成之速也彰德府學創建郡西北隅者始於北宋至和年間守斯土者爲郡人韓琦元至元六年監郡荀凱霖總管杜德遠先後踵修郡人許有王記之詳矣明洪武正統景泰成化宏治嘉靖隆慶萬厯天啟崇禎年間俱重加修葺守斯土者正統時爲知府趙恭景泰時爲知府王銳成化時爲知府王瑾宏治時爲知府馮忠隆慶時爲知府陳應麟而郡人郭朴所記者則應麟所修也

國朝順治十五年知府宋可發重修康熙三十三年知府

研棧齋文集

卷一

八

湯傳楷重修康熙五十三年知府繆發重修乾隆五十二年知府盧崧重修而惟繆公發記其始末焉步雲啣

天子命於五十五年來守是邦下車之始首謁學宮瞻仰殿廡周覽門垣慨然於

崇聖祠之規模狹隘也學東垣之日就傾圯也爰進學博士郭琮馬華國而諮詢之郡弟子員某某而勗勵之鳩工庀材某某俾司其事修弊舉墜某某俾總其成凡六閱月而告竣蓋自步雲首輸七白金爲倡郡人士率私錢以助者若干用之力若干良材堅甃之用若干合耗銀若干嗚呼經始何若是之難而落成若是之速也爰爲斯記以詒後之守斯土者

重修彰德府大堂壁記

所謂堂者臨民以聽治也堂而以黃名者太守臨民聽治之堂也韓琦以畫錦名其堂者琦爲郡人任宦而至將相富貴而歸故鄉此歐陽子作記之意也希璜則謂其詞大而夸非魏公忠君愛民之意也夫以琦之功業所謂社稷臣也其忠於君也於撤簾諸事見其持重焉其愛斯民也於鑿渠諸事見其經濟焉此郡伯孫公以忠愛命斯堂之意也考府舊治在今治之東百餘武爲北宋韓重贊所建後琦三治相州益作堂亭園池雄於河北明初改趙王高燧府今治則始於洪熙元年在舊治之西規制俱極淺隘正德十六年知府陳策因重拓焉府誌所載如是顧歷年

研棧齋文集

卷一

九

卽久斲木剝蝕不加修葺莫肅觀瞻郡伯抵任之五年政和歲稔雨暘時若從黎庶請重修斯堂物仍其舊以昭儉也制取其宏以壯觀也功竣之日爰命希璜誌其始末勒諸貞珉希璜登斯堂也願體郡伯之忠愛以自勗闔屬之登斯堂也願各體郡伯之忠愛以共勗焉時乾隆五十九年某月日安陽縣知縣趙希璜記

嘉慶安陽縣志序

曰嘉慶安陽縣志者何也仿元和郡縣志而作也是志始纂於康熙三十一年安陽縣知縣馬君國棟再纂於乾隆三年安陽縣知縣陳君錫輅閱今又六十年矣希璜於乾隆五十七年壬子由夏邑調任安陽次年癸丑延太倉王明經開浚次年甲寅延興縣康舍人儀鈞同纂斯志尚未成書而希璜調署濟源藁經散失去年戊午偃師老友虛谷武君億過從與之商榷考据爲圖爲表爲志爲傳爲記體例凡五而另編爲錄博取金石以資考證夫圖之爲言度也度地之廣輪而圖之也爾雅釋詁謀也說文計畫難也周禮地官大司徒以天下土地之圖周知九州之地域廣狹

研棧齋文集

卷一

十一

研棧齋文集

卷一

十一

漢始有公府奏記記之言志進已志也錄之爲言總也總錄衆事也說文借鈔寫字也公羊傳春秋錄內而畧外禮檀弓愛之斯錄之矣前漢書于定國傳萬方之事大錄於君註云大錄總錄也圖以度地故圖爲首表以紀年故次之志以準事故又次之傳以書人故又次之記以類紀故又次之錄以總錄故又次而另編之圖表志傳記凡十三卷錄凡十二卷其考据經史旁求金石虛谷之力居多至於綱舉目張條分縷析希璜蓋七閱寒暑而後成此書矣

鯨背橋修禊叙

伐

相在河朔爲大郡洹水於相爲巨川士大夫來遊是邦者莫不托蹟登臨寄情觴詠况牧於此者乎乾隆五十八年歲在癸丑莫春余率賓從僚屬飲安陽之鯨背橋賦詩校射羽觴隨流履舄交錯以視右軍蘭亭之會有不謀而自合者是可述而識矣此地西望太行東瞻淇澳所謂崇山峻嶺茂林修竹則同前引萬金之渠後瞰五龍之窟所謂清流激湍映帶左右則同於時春鳥弄晴雲木如洗所謂天朗氣清惠風和暢則又同至於彼無絲竹管絃此有蓬弧正鵠雖若靜躁微分然遊目騁懷其致一也蓋自晉迄今凡歷一千四百四十一年閱二十四甲子而適逢是

研棧齋文集

卷一

三

歲歲逢此月於以續往古幽情成良辰嘉會豈非所謂欣於所遇覽得於已者哉雖然右軍臨文嗟悼感慨係之而余獨幸好雨知時良苗被野又幸相民樂其歲物之將登而喜睹余遊也然則余之快然自得且有千百千萬於古人者韓魏公安正堂九日讌集詩云留與鄴都爲故事年年常占好風光是尤余景行之微志也夫時同遊者安陽知縣長寧趙希璜臨漳知縣鬱林陳甲海涉縣知縣咸寧張丕緒林縣知縣太湖王申伯彰德都司龍巖陳國瑚守脩天津潘大經彰德教授郝縣郭琮訓導滎陽馬華國安陽教諭夏邑彭魯得訓導汲縣秦聯登無錫丁雲銘仁和周書同武進李世模山陰金尙炎長寧趙惺新興李廷桂

安陽諸生馬兆吉姚春華張儒朱超羣朱殿元王耀先喬鵬飛爲斯記者彰德知府富平孫步雲也

研棧齋文集

卷一

三

戚鶴泉集杜詩序

余齊年生戚鶴泉大令集杜詩若干卷出以眎余余非知詩者曷能言詩又曷能序鶴泉之詩然竊謂詩之爲教溫柔敦厚自有葩經則漢魏以降皆糟粕也自有唐律則宋元以降皆糟粕也自有少陵集詩人之大成者也自有集杜棄少陵之糟粕取少陵之精液者也夫組織精工衣冠優孟以文害辭以辭害意而詩不可說矣鶴泉曰余非知詩者以古人之詩爲詩耳以古人之詩爲詩非寢食於古人浸淫於聲律曷能運少陵之句爲鶴泉之詩如聚米如劃沙如雪痕如鴻爪一片化工所謂天下幾人學杜甫誰得其皮與其骨讀鶴泉詩可以開拓心胸推倒豪傑不必

研機齋文集

卷一

七

飽飮爲奇艱溼爲古矣或曰詩以窮而後工余有鶴泉之窮而無鶴泉詩之工行將竊比於鶴泉寢食少陵浸淫聲律亦以古人之詩爲詩耳

和陶詩序

楊田村進士之湖南潁行書和陶詩囑作序田村曾任四川安岳令江西大庾人

誰饒古澹前有蘇州繼得津梁定歸玉局新主白蓮之社人在梅關重開黃菊之籬地非彭澤湖西江之派和貧士之詩看奮筆以千言嗤折腰於五斗品地則爭傳伯起門風則上接盈川早稱黃雀之投環共稔楊梅之對客迺者人人繕寫侈北里之臙脂字字流傳誇南朝之金粉田邨於焉力追正始出入三唐偶和淵明低徊五柳異楊朱之失路同王粲之離家言情則花下尊前托興則樓頭扇底宋風謝雪總遜清華何粉荀香徒形豔麗對春山之蘊藉偏宜收入牛腰宛秋水之平夷何必盡歸畫裏藉他銷夏都忘車馬之喧如可留畊已遂園田之樂况夫浣花溪上

研機齋文集

卷一

五

久矣行吟折柳橋邊悠然覓句愛訪楊雄之宅曾登嚴武之牀天平浮雲晴開玉壘城南石室化洽文翁幾回書破濤箋一片春生錦里今也京華旅食美君鼓吹休明嶽麓南遊使僕夢魂顛倒勞勞送客不啻歸去來辭渺渺懷人願續桃花源記從此鸞山鳳嶺待染雲烟金水銀坑重霏珠玉媲美人於屈宋采香草於瀟湘

甜雪詩餘序

爲楊田邨進士作

樂府流傳原在金元曲子南唐風味全憑組織工夫豔體偏多宮詞不少抄來北里錄向東家誰翻十院琵琶莫說一軍簞策無腰不瘦人誇家令門風有謫皆仙我羨隴西才地則有大庾詩人睡梅詞客橋霜店月嚼雪而甘鞭影檐聲拈花而笑寒香沁骨不必亭有松風小令放聲何事市多雕本援微詞而通志倚麗句以留情是雖江上餘波雲中寸爪已現蛟螭之狀無非龍鳳之形粉艷鉛昏紙滄墨敝有謂而竟成通客無聊而別署漫郎檀板銀箏酒旂詞扇豈見訶於禪客非自托於伶官獨成一家釐爲五卷半織元稹之曲都吟柳永之章僕每怪夫時人詞則指爲研機齋文集

卷一

七

小道倘非傑作疇雪斯言慷慨悲謔昔傳燕市風流文采今屬先生

漳神廟碑

粵自洪濛既判人神道殊五嶽四瀆備載祀典出雲降雨變化之極引出萬物不可形詰民無能名陰陽莫測若夫生而聖智沒爲明神事屬邈茫理獨庸近靈瑩內聚精爽外朗護

國功赫濟衆利溥漳有河伯於今爲烈昔祠西史遠駕秦漢二千餘載如幾如式迺汜水孫公以英挺之姿當知命之年具孝友之望負圭璋之選正文體之僞砥狂瀾之柱掇賢書之雋擢禮經之首仰東山則思霖雨言鉅手則接昌黎公諱枝喬汜水北周村顧偕計南宮莫獲看花於上苑空羣北國未能展足於金臺管輅自遜治民樂巴咸稱

研機齋文集

卷一

七

嚳水蓋神奇早擅於生前斯裡祀共昭於身後爰以示夢鄉人棄屣圯橋車悲折轂河咽披沙良朋永嘆僕夫告瘁五夜戒裘適遭龍睡恍兮惚兮冠帶假室是耶非耶鳳鸞受鏃投異汨羅淚鮮瓊瑰銅臺高揭而魂依漳水東流而魄降馨香俎豆遂隆血食而配西史聰明正直不以頃臬而作閭閻適橋折車陷投於輿中先是磁州之講武城土人王思玉夢冠帶而至者曰吾河神也將假室於爾王驚寤問知所謂而公之同行友張凌霄李丕山來購櫬器王因述厥夢比者上柳口決幾同瓠子河開汎濫百里而近安臨二縣毘連淪沒田廬慘傷心目度土功而堵禦登赤子於衽席因先斯警於衆復詰旦祝諸廟曰維璜與海未能恤民維安與臨未能事神神愛斯民億倍於人人奉吾

神疾痛呼親果默應以如響循故道以順行既清濁以滙
歸拯黎庶以乂寧不終朝而功集聽萬喙而歡騰豈人力
之推挽實神貺之和平樹貞珉於廟側誌隱德於碑陰
七月上柳口決水勢漫溢而壩借臨漳知縣陳陰陽原無
君甲海率衆禱於神不崇朝而水歸故道焉
二致神人共契一心知今之視夫昔猶昔之視夫今

跋王耘渠先生樹滋堂遺文稿

予友武進黃仲則詩學李昌谷睥睨一世落拓不羈中年
偃蹇以沒今其詩散失其嗣子聞隨人宦遊邊徼去而吳
會英才集中所選者僅百餘首又予同年生順德張約房
詩文俱有成就亦盛年凋謝嗣子幼冲其遺稿未知存否
近聞覃溪師將序兩人詩文而刻之又未知能得兩人全
集與否金壇王耘渠先生橐中集牆東續稿贈炙天下人
口者已數十年茲先生曾孫林縣尉士琦持先生樹滋堂
遺文畧予曰是先生課孫草也予受而讀之因歎良工不
肯示人以樸而王君能世守先人之手澤於勿替也予不
知仲則葯房之子弟能如王君否而廿載深交竟不能取
兩人遺藁公之同好壽之梨棗俯仰今昔負我良友者多
矣至於先生之文當代奉爲楷模斯固無庸予之論次也
已

募修興善寺轉輪藏經閣序

蓋聞三界轉輪大千說法園名歡喜沼對醍醐夫轉四諦法輪而證道果經云轉輪聖王卽是如來又云佛昔於波羅奈斯轉法輪今乃復轉無上最大法輪者城南五里許大興善寺卽晉武時之遵善寺也隋開皇間詔僧徒二十餘萬實之招提之盛甲於海內故易今名唐元和四年建轉輪藏經閣維時僧素公手植青桐數株每至夏桐汗汚人衣如輶脂不可浣昭國鄭相嘗與丞郎數人避暑惡其汗謂素曰弟子爲和尚伐此樹各植一松也及暮素戲視樹曰我種汝二十餘年汝以汗爲人所惡來歲有汗我心薪之自是樹不復汗素公在院內轉法華經三萬七千部夜嘗有猥子聽經齋時烏鵲就案取食僧元幽詩曰三萬華經三十春半生不踴院門塵爲素公作也太和二年代梵像觀音作大士閣並移大內天王閣於寺唐末惟二閣巍然獨存由宋迄明興廢不一而轉輪藏經閣歲久傾圯非復靖善舊觀因思感希有之瑞立非常之廟天地神祇咸加靈被自如來遷迹忽逾千載塔寺之興以表遺化茲則蛤像無存杜楊雜編唐文宗以蛤像菩薩賜興善寺寶珠自在滿以金布惟有祇陀所望十方檀越證人天之果發慈悲之心光明不異於祇樹孤園功德並煥於慈恩薦福大宏佛教永駐祥輪使青鸞感覺路之開斯禪燈續雞園之舊矣

研棧齋文集

卷一

三

黃翠山先生小傳

先生姓黃氏諱軒翠山其自號也先世居程鄉後居長寧有隱君子諱金鳳者先生之曾大父也值明季多艱營弁捕流寇弗得日戮良民邀功公挺身赴軍門爭辯之所全活數千人人謂黃氏有隱德久矣先生幼而失怙流離顛沛遂轉徙爲連平州人性嗜讀書研磨經史寒暑弗輟方其講學梅溪也遠近則之遊於門者皆獲實學以去里之婦孺曉大義識禮教先生啟之也鄉人擬諸周茂叔司馬君實之爲人自弱冠補弟子員旋食餼屢蹟名場竟以明經終老而先生恬然先是先生困於家計風塵蒼莽中岸然自立獨往獨來有謂爲貧賤驕人者先生聞之輒然語諸子曰某貧則貧矣賤則未也且德之積也不厚則其任大福也必天閱興之暴難爲繼矣旣而嗣君叔顯成進士授編修歷清要官以覃恩晉先生封爲奉政大夫仲子叔揚附貢生次叔傳以選拔中式順天副榜諸孫之登賢書者二人餘皆知名於時先生年八十餘復舉一子精神矍鑠不殊少壯其沒也值孫開雲捷音至含笑以終得年八十有六人咸以爲隱德之報云

研棧齋文集

卷一

三

修職佐郎鶴山訓導葉始堂先生家傳

連平有通經學古之儒曰葉始堂先生諱應乾字元一其先博羅人始祖政徙居長吉二圖之東溪實前明宏治時也長吉十圖故爲河源地後析置長寧遂屬寧旋建連平又析長吉之二圖屬焉自曰升公以下始爲連平州人而居東溪者始大先生之大父秀士公爲郡庠生早卒大母唐以節著父諱萬華亦不克享上壽先生幼孤事母唐孺人孝謹甚至家故貧舌耕爲業又弗忍遠離以傷母心故延先生者皆近村居人歲時伏臘甘旨必親嘗而後進母病侍湯藥衣不解帶者經旬母亡後幾以毀滅性予家去東溪纔十五里先生館穀於予家者幾十年故與先生之

研棧齋文集

卷一

三

分最切而悉先生之事特詳先生長身古貌目炯炯有光清癯似鶴音雌肩背聳如負重物少嗜帖括穿穴經史間爲小詩亦中聲律補博士弟子旋食餼講學鄉塾從遊者往往取制科以去而先生終不遇性素直諒與人爭事刺刺不休必得其理而後止予嘗方之米海嶽及其恬退功名不矜不躁則汪汪千頃陂人也晚年得眩暈疾幾不起有葉開美者恍惚入冥間見司命主者謂開美與先生俱不獲免旁有人曰葉某孝謹直諒算可延旣而先生之疾果愈越十二年先生以明經任鶴山訓導受事兩閱月卒於官舍得年七十有二子二人芹珍藻珍藻珍前卒

論曰書不云孝乎惟孝友于兄弟士之通經學古而本實

先撥者觀先生可以風矣抑怪誕之事儒者弗道若葉開美言其說近怪而世人每樂爲稱道之然耶否耶

研棧齋文集

卷一

三